



EVE | Ente Vasco
de la Energía

EIBARKO UDALAREN ETA ENERGIAREN EUSKAL ERAKUNDEAREN (EEE) ARTEKO LANKIDETZA HITZARMENA, ALKATEEN ITUNERANTZ ZUZENDUZ EKIMENA GAUZATZEKO

Eibarren, 2013ko urriaren 28an

BILDURIK

Alde batetik, **Miguel de los Toyos Nazabal jauna/andrea**, Eibarko Udaleko alkatea den aldetik arituz (aurrerantzean "Udala"), eta aitortuak dituen aginpideez baliaturik.

Beste alde batetik, **Pilar Urruticoechea Uriarte andrea**, [REDACTED] NAN zenbakiduna, **ENERGIAREN EUSKAL ERAKUNDEAREN** izenean eta bera ordezkatzuz (aurrerantzean "EEE"), Q5150001E IFK duena, Erakundearen zuzendari kontseilari nagusia den aldetik, zeinek helbidea hauxe baitu: Bilbon 48011, Urkixo zumarkalea, 36. 1. solairua, aitortuak dituen aginpideez baliaturik.

Bi aldeek, ordezkatzuten erakundeen izenean, aitortzen diote elkarri lankidetzaz hitzarmen hau izenpetzeko eskumena eta gaitasuna.

HAUXE ADIERAZTEN DUTE

- I. EEEK, Eusko Jaurlaritzako Ekonomiaren Garapen eta Lehiakortasun Sailaren menpekora den zuzenbide pribatuko erakunde publikoa denak, honako zeregin hauek gauzatzen diharduela: Euskal Autonomia Erkidegoko (EAE) energiaren aurrezpena eta eraginkortasuna sustatzen, energia baliabide berriztagarrien erabilera bultzatzen eta energia azpiegiturak garatzen.
- II. Badela "Covenant of Mayors" edo "Alkateen Ituna" (aurrerantzean ITUNA) deritzon ekimen europarra, Europar Batzordeak abiarazitakoa, honako helburu hau duena: ITUNA sinatzen duten udalek Europar Batasunaren helburua gainditzea, CO₂ emisioak %20 murrizteari dagokionez, 2020 urterako, energiaren aurrezpena %20 areagotuz eta energia iturri berriztagarrien erabilera %20 gehituz, udalerrriaren azken energia kontsumoaren aldean.
- III. ITUNA izenpetzen duten udalen betebeharra, besteak beste, hauxe dela: Energia Iraunkorraren Aldeko Ekintza Plan bat aurkeztea (aurrerantzean PAES) Europar Batzordearen aurrean, urtebeteko (1) epean, ITUNA izenpetzen duten egunetik kontatzen hasita.

Aipatutako PAES dokumentuan, 2020 urtera begira, udalerrri osoaren energia planifikazioa jaso behar da, 2020 urtera arte garatuko diren jardueraz zehatzak definituz honako alor hauetan: energia eraginkortasuna, energia berriztagarriak, mugikortasun iraunkorra eta hondakinak, udalerrriaren energia kontsumitzen duten arlo guztietan, industrian izan ezik; hau da, udal eraikinak, zerbitzu arloa, bizitegiak eta lehen arloa.



EVE | Ente Vasco
de la Energía

- IV. 2009ko otsailaren 9an sinatutako akordioaren arabera, Europar Batzordeak Euskadin ITUNAREN koordinatzaile EEE hautatu zuela.

EEERi esleitutako zeregin nagusiak, laburbilduta, hauexek dira: ITUNAREkin bat egiten duten udalei laguntza teknikoa eta administratiboa ematea, hartutako konpromisoak betetze aldera.

- V. EEEK EAEko udal guztientzako energia planifikazio estrategiatzat hartzen duela ITUNAK definitzen duen esparrua, udalek egin beharreko lanen betetze mallari dagokionez, epeak denontzat berberak izango ez badira ere. Izan ere, tokian tokiko udalaren baliabide tekniko, ekonomiko eta pertsonalaren arabera, ezberdinak izango dira epeak.
- VI. Horren ondorioz, EEEK udalekin batera aurrera eramango dituen lan-ildoak hauexek direla:
- a) Alkateen Ituna edo ITUNA
 - b) Alkateen Itunerantz Zuzenduz (aurrerantzean ITUNERANTZ Zuzenduz)

- VII. ITUNERANTZ Zuzenduz EEEK diseinatutako ekimen bat dela, udal energia planifikazioa egitea helburu duena, 2020 urteari begira.

Energia planifikazioak jarduera zehatzak definituko ditu energia kontsumitzen duten udalerriko alor guztietan, industrian izan ezik. Alor horiek hauexek dira: argiteria publikoa eta udal eraikinak, garraio alorra, zerbitzuak, bizitegiak eta lehen alorra.

- VIII. Tokian tokiko udalaren ezaugarriak direla eta, ITUNAK proposatutako lan egutegi ezberdina eskatzen duten Euskal Autonomia Erkidegoko udalei zuzenduta dago ITUNERANTZ Zuzenduz.

- IX. Eibarko Udalak, gaur egungo energia eta ekonomia egoera kontuan hartuta, 2020. urteari begira, udal energia planifikazioa arloka definitzeko konpromisoa hartzen du, kontsumitzen duen energia kudeatu ahal izateko.

Hori dela eta, lankidetzaz hitzarmen hau sinatzea erabaki dute erakunde biek, jarraian azaltzen diren klausulen arabera.

KLAUSULAK

1.) Helburua

Hitzarmen honen helburua hau da: Eibarko Udalaren borondatea adieraztea ITUNERANTZ Zuzenduz ekimenarekin bat egiteko, eta EEEKekin batera, 2020 urtera begirako udal planifikazioa diseinatzeko interesa erakustea.

Planifikazio horren barruan jarduera zehatzak definituko dira, udal energiaren kudeaketa hobetzeko, udalak eta EEEK lankidetzan eta elkarrekin adostuko dituzten alor eta gaietan. Nolanahi ere, planifikazio horrek, nagusiki, dokumentu honetako bigarren klausularen (Udalaren betebeharrak) lehen atalean ezartzen den ordena edo hurrenkera hartuko du kontuan.

2.) Udalaren betebeharrak

Lehena: Udalak konpromisoa hartzen du energia kontsumitzen duten alorretan lan egiteko modu jarraituan. Alor horiek hauexek dira:

- Argiteria publikoa eta udal eraikinak
- Garraio alorra
- Zerbitzuak
- Bizitegiak
- Lehen alorra

Alor horietan egingo diren lanak, funtsean, energia eraginkortasuna, mugikortasuna eta energia berriztagarrien erabilera sustatzeari begirako azterketetan oinarrituko dira.

Beharrezkoa ez bada ere, komenigarria izango litzateke adierazitako hurrenkera horretan jardutea.

Bigarrena: Urtero, gutxienez, EEEekin batera adostutako jardueretako bat gauzatu beharko du udalak, hitzarmen hau sinatzen den hurrengo urtetik kontatzen hasita.

3.) EEEren betebeharrak

Lehena: Aldeen artean definitutako helburuak lortzeko bideratzaile gisa jarduteko konpromisoa hartzen du EEEK, ITUNERANTZ Zuzenduz ekimena sinatuko duten udalei emango dien laguntza teknikoaren bitartez.

Bigarrena: Era berean, alde biek hitzartutako jarduerak eta proiektuak finantzatzeko bideak identifikatu eta bilatzeko bideratzaile gisa jarduteko konpromisoa hartzen du EEEK. Nolanahi ere, EEEK ez du inoiz proiektuen finantzaketa bermatuko.

4.) Lankidetzaren hitzarmenaren iraunaldia

Lankidetzaren hitzarmen hau bi (2) urte egongo da indarrean, sinatzen den egunetik kontatzen hasita. Hala ere, bi urte horiek igaro ondoren, hitzarmena automatikoki luzatuko da iraunaldi berarekin, aldeetako batek hitzarmena bertan behera uzteko eskatu ezean.

5.) Lankidetzaren hitzarmenaren aldaketa

Lankidetzaren hitzarmen honen klausuletan eta baldintzetan gerta liteken edozein aldaketa alde bien berariazko adostasunarekin egin beharko da, eta aldaketarik balego, aldatutako klausula moduan idatziko litzateke jatorrizko dokumentuan erantsita.

6.) Lankidetza hitzarmenaren arduradunak. Jarraipen Batzordea

Hitzarmen hau behar bezala garatzeko eta bideratzeko Jarraipen Batzordea eratuko da. Jarraipen Batzordea bi aldeek izendatuko dituzten bi (2) teknikari arduradunek osatuko dute.

Alde horretatik, udalak konpromisoa hartzen du udal energia kudeatzaile izendatzeko, profil teknikoa izango duena eta lankidetza hitzarmen honetan jasotzen diren jarduerak aurrera eramateko gaitasun era erabakimen nahikoarekin. Aldez aurretik, udalak hautatuko duen kudeatzaile hori EEEren oniritzia jaso beharko du.

Udal energia kudeatzaile aukeratuko den pertsonak bere zereginak alde batera utzi beharko balitu, hilabeteko (1) gehieneko epean ordezeko bat hautatu beharko litzateke.

Zeregin horietarako;

Udalaren aldetik, Iker Rodriguez jauna izango da lankidetza hitzarmenaren arduraduna, eta, beraz, "udal energia kudeatzaile" gisa arituko da.

EEEren aldetik, Iñaki Garcia Martínez jauna izango da lankidetza hitzarmenaren arduraduna.

Jarraipen Batzordeak honako egiteko hauek izango ditu:

- a) Hitzarmen honen helburuan jasotzen diren jarduera eta ekintza guztiak garatzea, eta bereziki, alde biek definitutako jarduerari jarraipena egitea eta etengabeko balorazioa gauzatzea.
- b) Hitzarmenaren helburuetan eta beraietan islatzen diren inguruabar zehatzetan gerta litezkeen aldaketak aztertzea eta ebaluatzea, eta hala dagokionean, aldaketak proposatzea.
- c) Lankidetza hitzarmena interpretatzea eta hitzartutakoa betetzean edo interpretatzean izan litezkeen arazoak edo desadostasunak konpontzea.
- d) Alde bientzako interesgarriak izango diren informazio eta komunikazio orokor edo global guztiak behar bezala bideratzea. Nolanahi ere, izaera teknikoa izango duten komunikazioak proiektuen arduradunen artean bideratu daitezke. Halaber, informazioen konfidentzialtasuna bermatuko du.
- e) Hitzarmenaren helburuak betetzeko edo garatzeko beharrezkoa den beste edozein zeregin; beti ere, alde bien interesak kontuan hartuz.

Jarraipen Batzordeak, ohiko prozeduraz, sei hilabetean behin bilduko da, eta ohiz kanpoko prozeduraz, alde bietako batek hala eskatzen duenean.

7.) Lankidetza hitzarmenaren iraungitzea

Lankidetza hitzarmen honen iraungitzea honako arrazoi hauengatik gertatuko da:

1. Hitzarmenaren edozein klausula ez betetzeagatik
2. Hitzarmena amaitu edo betetzeagatik
3. Alde sinatzaile biek elkar hartzeagatik

Alde batek hartutako konpromisoren bat ez betetzeak ekarriko du beste aldeak eskubidea izatea bete dadin eskatzeko edo hitzarmen hau bertan behera uzteko.

Hitzarmena bertan behera geratuko balitz, alde biek zehaztuko lituzkete amalerako baldintzak, elkar hartuta.

8.) Izaera eta jurisdikzioa

Lankidetza hitzarmen honek izaera administratiboa du, eta administrazio publikoen arteko lankidetza hitzarmenei dagozkien ordenamendu juridiko eta administratiboaren arabera izango dira haren interpretazioa eta garapena.

Lankidetza hitzarmen honen garapenean edo gauzapenean sortu litezkeen interpretazio arazoek konponbidea alde bien adostasunarekin lortzen saiatuko dira; beti ere, amaierako baldintzak zehaztuz eta, hala dagokienean, kalte-ordaina emanez.

Horrela ez balitz, edo ados jarriko ez balira, aferak edo arazoak konpontzeko auzi administratiboaren epaitegietara jo beharko dute.

Adierazi denarekiko adostasunaren lekuko eta jasota gera dadin, bi aldeek lankidetza hitzarmen hau bi aletan sinatzen dute, hasieran jakinarazitako toki eta egunean.



